

p. 72 : 6【順生則為順佛】《別行疏鈔》：更以海印之喻以明。如香水海澄淨，須彌、日月、四天下中種種眾生，種種國土、居處屋宅，皆於中現。若執此像是有命之眾生、有質之世界，是乖像也；非唯乖像，亦乖海也。必須定知此像一一具鹹濕之體，及不宿死屍等十種之德，始名順像。既順像也，始得名為順海，海即如來，像即眾生。…海中萬像，與海同體；佛菩提中眾生，與菩提同體，法喻備矣！～本會版 p. 329+331

p. 72 : -4【出現品】《華嚴經》卷 52〈37 如來出現品〉：「佛子！諸菩薩摩訶薩應云何知如來、應、正等覺成正覺？佛子！菩薩摩訶薩應知如來成正覺，於一切義無所觀察，於法平等無所疑惑，無二無相，無行無止，無量無際，遠離二邊，住於中道，出過一切文字言說。知一切眾生心念所行、根性欲樂、煩惱染習；舉要言之，於一念中悉知三世一切諸法。佛子！譬如大海普能印現四天下中一切眾生色身形像，是故共說以為大海；諸佛菩提亦復如是，普現一切眾生心念、根性樂欲而無所現，是故說名諸佛菩提。」(T10, p. 274, c28-p. 275, a9)《華嚴經疏》卷 50〈37 如來出現品〉：「知一切眾生下。印現萬機。即海印三昧。文中三：初法。一念知三世名一切智。次喻。即舉海印以喻菩提無心頓現。三合。言無所現者。有三義：一無心現。故如海。二所現空。故如像。三無別體故。如水與像不可分異。自體顯現。故名為覺。」(T35, p. 882, a29-b5)《華嚴經疏鈔》卷 80〈37 如來出現品〉：「無所現有三義者。一無心現。約止。二所現空。約觀。三無別體。約止觀契合。又一約心。二約境。三心境兩冥。又一約智。二約理。三理智冥契。就第三義中。疏先正釋。後自體顯現故名為覺者。通妨。謂有難言。若無別體。何能普現眾生心行？故答云：自體顯現。如珠有光。自照珠體。珠體喻心。光喻於智。心之體性即諸法性。照諸法時是自照耳。」(T36, p. 626, b22-29)

p. 73 : 3【同體大悲】《別行疏鈔》：菩提心必具大悲、大願、大智。大悲欲化眾生，須學化生之智，智既圓矣，自名成佛；所以言諸佛如來以大悲而為體。「大」：佛普賢攝化門中，普解一切，彌綸而不漏。「悲」：見諸眾生，恆處生死，五趣輪回，造眾惡因，受諸苦楚，如來愍傷，深加惻愴。即世間之悲不得名大，出世之悲方名為大；出世中二乘之悲不名為大，佛菩薩悲方名為大也。…大悲是眾行之首，故《理趣六波羅密經》云：此大悲於諸善業而為導首。譬如命根，於出入息而為其先；輪王七寶為先；大乘萬行，大悲為先。譬如長

者，唯有一子，父母憐念，徹於骨髓，菩薩大悲亦復如是，於諸有情，住於極愛一子之地。…又此大悲，能作方便，成辦一切助菩提法故；又此大悲，能悟無師自然智故；又此大悲，能除一切自心熱惱，隨順有情為饒益故。是故如來以此為體也。～本會版 p.330-331

p. 73 : 4【出現品云】《華嚴經》卷 52〈37 如來出現品〉：「佛子！如來成正覺時，於其身中普見一切眾生成正覺，乃至普見一切眾生入涅槃，皆同一性，所謂：無性。無何等性？所謂：¹無相性、²無盡性、³無生性、⁴無滅性、⁵無我性、⁶無非我性、⁷無眾生性、⁸無非眾生性、⁹無菩提性、¹⁰無法界性、¹¹無虛空性，亦復¹²無有成正覺性。知一切法皆無性故，得一切智，大悲相續，救度眾生。」(T10, p. 275, a19-26)《華嚴經疏》卷 50〈37 如來出現品〉：「次轉徵所無。無何等性？同菩提性故。後釋所無。有十二句。前四通生及佛。次四約眾生。後四唯約佛。非獨妄空真有。亦非妄有真空。以性融相。法界圓現。故由此無。說成正覺。又攝十二總為六對：一能相所相對。謂染相淨相。相待有故。念念之盡。緣所盡故。煩惱永盡。本自盡故。二生滅對。約凡則本自不生。即涅槃相。不復更滅故。約佛菩提。非始生故。何有滅耶。三我非我對。有緣無主故。我尚不可得。非我何可得。諸法實相中。無我無非我故。四緣非緣對。攬緣生故。緣尚不可得故。五能所證對。能證菩提。因所證故。所證法界。由智顯故。六合不合對。虛空非合。因有顯故。所以性無。成覺是合。理智契合。即為緣起。故非有也。三結中。物物無性故成種智。證斯同體而起大悲。一得永常。故云相續。又只由不知無性。故教化不絕。」(T35, p. 882, c24-p. 883, a12)《華嚴經疏鈔》卷 80〈37 如來出現品〉：「又只由下。由生不知佛證無性。故化令知。」(T36, p. 628, c11-12)《別行疏鈔》：此但以佛為門，故云「於其身中」；若以眾生為門，即佛於眾生中成，故〈出現品〉次下云：「菩薩應知自心念念常有佛成正覺，何以故？諸佛如來不離此心成正覺故；如自心，一切眾生心亦復如是，悉有如來成等正覺，廣大周徧，無有休息。」更引此文對前者，以此門意明生佛交徹之義，故今文具也。～本會版 p. 323 生佛無二、皆同一性(菩提性)

p. 73 : -3【不離此心成正覺】《華嚴經疏》卷 50〈37 如來出現品〉：「釋云不離者。有二義：一眾生身心即佛所證故。二全即佛菩提性故。此即他果在我之因。非約因人自有佛性。此文正顯佛菩提故。」(T35, p. 883, b17-21)《華嚴經疏鈔》卷 80〈37 如來出現品〉：「疏此文正顯佛菩提者。成上非約因人有性是

佛性義。今說佛菩提。而言眾生心有之者。即他果佛在我因人之心內耳。」(T36, p. 629, a3-6)

p. 74 : 4【佛菩提法如大樹王】《別行疏鈔》：佛菩提法者，別指一切眾生本覺智體也。謂以真性隨諸妄緣，成諸染法，被煩惱覆蔽，無佛菩提之力用，故比沙磧中樹。此乃樹雖未生華果，而樹身非無；眾生雖未有佛菩提之力用，而本覺常在也。「智慧禪定猶如枝葉」，喻則從樹生枝，枝生於葉；法則從本覺起於始覺，始覺是慧，故如枝；既心初起，心無初相，則冥合一如，一如是定，故如其葉；則因慧成定，慧先定後也。此約實教所說…以入道由智，故云因慧成定，理實定慧齊修，無前無後。謂慧能拔沈滯，定能遏翳浮；定能決斷，慧能簡擇；二法相扶，能持萬行，最為要極也。雖定慧最妙，要須頓達本源，方起定慧也；又，須以定慧運於萬行，方能證果。「菩薩依學，況之以華」，謂諸菩薩定慧既備，洞達本源，順理益生，須行萬行，所以依其定慧運於萬行之華也。「諸佛證此，目之為果」，即喻如華熟方能結果，法中萬行周圓，方可證入成妙覺之尊也。「眾生為樹根，大慈悲為水」，謂諸眾生雖皆各具有菩提樹根，而不能發生者，但以樹根恆時埋在羸澁生死煩惱砂中。砂性乾燥，都無沃潤之功，何能令樹根發生滋榮？是以諸佛菩薩起種種方便，令諸眾生遠離羸惡煩惱砂中，安住三寶最勝良田之內，廣興慈悲之密雲，普雨甘露之法雨，方能滋潤菩提樹根，令漸敷榮，成熟大果也。

言成佛果因者，意說慈悲是成佛果之因也，如水滋樹根是華果之因故。前經云：「因於大悲生菩提心，因菩提心成等正覺。」此『因』者，若說因位中所起悲願，則通與自他作其果因，具二利故；若於佛，及得果不捨因門菩薩，則但與他為因。何以？自果已滿，唯利他故。若從喻至法委細推之者，應當先須分明見曠野中之樹身，就樹根而灌水；先須分明悟生死中之覺體，就覺心而起悲。若不見樹也，徧曠野而虛灌，但益疲勞，畢竟不生華果；若不悟覺體也，徧生死而起悲，但益愛見，畢竟不證菩提。或見樹根而不灌，亦華果不生；或悟覺體而不修，亦菩提不證。勉旃求悟，不得徒自勞形；努力修行，不得撥無因果：斯文圓妙，諦而思之。～本會版 p. 333-335

p. 75 : 2【淨名經】《維摩詰所說經》卷2〈5 文殊師利問疾品〉：「問：『諸佛解脫當於何求？』答曰：『當於一切眾生心行中求。又仁所問：『何無侍者？』一切眾魔及諸外道，皆吾侍也。所以者何？眾魔者樂生死，菩薩於生死而不捨；

外道者樂諸見，菩薩於諸見而不動。」(T14, p. 544, c6-10) 卷 2 〈8 佛道品〉：「維摩詰問文殊師利：「何等為如來種？」文殊師利言：「有身為種，無明有愛為種，貪恚癡為種…以要言之，六十二見及一切煩惱，皆是佛種。」曰：「何謂也？」答曰：「若見無為入正位者，不能復發阿耨多羅三藐三菩提心；譬如高原陸地，不生蓮華，卑濕淤泥乃生此華；如是見無為法入正位者，終不復能生於佛法；煩惱泥中，乃有眾生起佛法耳！又如殖種於空，終不得生！糞壤之地，乃能滋茂。如是入無為正位者，不生佛法；起於我見如須彌山，猶能發于阿耨多羅三藐三菩提心，生佛法矣！是故當知，一切煩惱，為如來種。譬如不下巨海，不能得無價寶珠。如是不入煩惱大海，則不能得一切智寶。」(T14, p. 549, a28-b15)

《注維摩詰經》卷 5 〈5 文殊師利問疾品〉：「肇曰。眾生心行即縛行也。縛行即解脫之所由生也。又邪正同根。解脫一門。本其真性。未嘗有異。故求佛解脫。當於眾生心行也。」(T38, p. 373, c10-13)

p. 75 : 2 【法句經】《法句經》卷 1 〈11 普光問如來慈偈答品〉：「

佛子善諦聽	我今如實說	一切諸法性	本來無所動
諸佛依貪瞋	而座於道場	<u>塵勞諸佛種</u>	本來無所動
<u>五蓋及五欲</u>	為如來種性	常以是莊嚴	本來無所動
婬欲及邪見	并餘結使等	究竟解脫相	本來無所動
諸佛從本來	常處於三毒	長養於百法	如成於世尊
諸法從本來	無是亦無非	是非性寂滅	本來無所動
<u>一切諸眾生</u>	實無有生滅	<u>生滅即涅槃</u>	本來無所動
一切諸法相	從緣無起作	起作性如如	本來無所動
一切諸文字	無實無所依	俱同一寂滅	本來無所動」

(T85, p. 1435, a3-15)

p. 75 : -2 【眾生皆是我心所現】《首楞嚴經》卷 1：「諸法所生，唯心所現，一切因果世界微塵，因心成體。」卷 2：「汝身汝心，皆是妙明真精，妙心中所現物。」《起信論》卷 1：「三界虛偽，唯心所作；離心則無六塵境界。此義云何？以一切法皆從心起，妄念而生。」(T32, p. 577, b16-18)

淨空和尚：從慈悲裡徹底覺悟，覺悟到一切眾生與自己是一體，同體大悲心自自然然生起。知道一切眾生就是自己，這是諸佛如來所證得的。譬如作夢，夢中的情景很多，夢裡有自己，也有很多眾生，也夢到山河大地、虛空等，夢中境界與現實境界相彷彿。但是夢中的人、動物、山河大地、虛空，從哪裡來

的？整個夢境就是自心變現出來的。這個心不是真心，是妄心；作夢時，心變成相；夢境就是你的心，你整個的心變成了夢境。夢中所有一切境界都是自己，都是自己心變現出來的境界，除了自心之外，什麼都沒有。佛在經論上常講：「全妄即真，全真即妄。」我們透過夢境，細心去體會一下佛這兩句話的意思，會多少懂一點。永嘉大師說：「夢裡明明有六趣，覺後空空無大千。」大徹大悟，大千世界就沒有了，因為真性夢醒。十方世界，到底是真的有還是假的？真的假的都不能說。所以，不要在真假兩邊上起疑情，知道事實真相就好。虛空法界是自性變現，一切有情眾生也是自己心性變現。佛言：「十方三世佛，同共一法身。」就是說這一事實。成佛，才真的知道。

p. 76 : 1【阿耨多羅三藐三菩提】無上覺・正覺・等覺・正覺。

阿耨多羅：無上。 → 增勝而言，偏在法身，若通相論，三身如來並是。

三：正，圓滿義。 → 簡十地聖人分覺二空，非正滿覺。

藐：等，齊等義。 → 簡二乘聖者偏覺生空。

三：正，對邪立名。 → 簡凡夫外道邪覺。

菩提：覺。

p. 77 : 1【反言結成】《別行疏鈔》：滯權教、執文字之流，皆譏頓宗云：是佛境界，何關汝事？苦哉！苦哉！今釋此一節有二義：一對緣釋，二觀心釋。

「對緣釋」：緣於有眾生，發起大悲菩提心。「觀心釋」：1. 觀妄心而覺悟；2. 觀此一念心，當體即是中道實相，即圓具三千諸法；現前的一念，即空、即假、即中，心法如是，萬法皆是，一一皆具三千三諦，互相融攝，而無迷悟因果之別，皆是不可思議。德清《華嚴綱要》卷1：「由此六相十玄同時具足。故成事事無礙法界。故經中凡舉一事、一行、一法。必該此六相十玄之義。以彰圓融法界。然此廣大無邊理趣。統以法界觀門收之。攝歸一心。念念具足。方順此宗。迥超諸教。故此圓融妙行。日劫相倍。具如法界觀門。」(X08, p. 489, a16-21)

p. 337 line -1【心平等，圓滿大悲】《千手千眼觀世音菩薩廣大圓滿無礙大悲心陀羅尼經》卷1：「大梵天王從座而起，整理衣服，合掌恭敬，白觀世音菩薩言：…唯願大士，為我說此陀羅尼形貌狀相，我等大眾，願樂欲聞！」

觀世音菩薩告梵王言：「汝為方便利益一切眾生故，作如是問。汝今善聽，吾為汝等，略說少耳！」觀世音菩薩言：「大慈悲心是，平等心是，無為心是，無染著心是，空觀心是，恭敬心是，卑下心是，無雜亂心，無見取心是，無上

菩提心是。當知如是等心，即是陀羅尼相貌。汝當依此而修行之。」」（T20, p. 108, a4-15）

淨空和尚：無量壽經，修行的綱領是清淨心、平等心。若離開一切眾生，清淨平等到哪裡修？沒地方修。清淨心要在染境裡修，平等心要在極不平的境界裡修，這才是功夫，才是真正的受用。若是我們看世界、看一切眾生，心真正得到平等，則大慈悲心現前。要修多久，才能到這境界？因人而異。根利者很快達此境界，根鈍者，十年、二十年，也許一生都修不到，原因在放不下。要想真正得到清淨平等，一定要看破放下。身心世界一切放下，世出世間法，只要有一絲毫的貪戀，有一絲毫的執著、疑惑，就放不下。必須看破放下之後，才能以大悲心，隨順一切眾生，才能像普賢菩薩所說的，成就供養一切如來。

大悲之所以為「大」，共有下列五義：(1)資糧大，以大福德智慧之資糧所成。(2)行相大，此力能於三苦境作拔苦之行相。(3)所緣大，總以三界有情為所緣。(4)平等大，離怨親等差別，普遍利樂諸有情。(5)上品大，此為最上品，更無餘者能齊於此。

大悲與悲也有八種不同：(1)自性異：大悲以無癡（智慧）為體，悲以無瞋為體。(2)行相異：大悲緣三苦之行相，悲緣苦苦之行相。(3)所緣異：大悲通緣三界，悲唯緣欲界。(4)依地異：大悲依第四禪，悲通依四靜慮。(5)依身異：大悲依佛身，悲依二乘之身。(6)證得異：大悲離有頂惑而證得，悲離欲界之惑而證得。(7)救濟異：大悲能成就救濟之事，悲唯希望救濟。(8)哀愍異：大悲是哀愍平等，悲唯拔欲界有情苦，故哀愍不平等。～《中華佛教百科全書》

《大方廣佛華嚴經》卷53〈38 離世間品〉：「菩薩摩訶薩以十種觀眾生而起大悲。何等為十？所謂：觀察眾生無依無怙而起大悲；觀察眾生性不調順而起大悲；觀察眾生貧無善根而起大悲；觀察眾生長夜睡眠而起大悲；觀察眾生行不善法而起大悲；觀察眾生欲縛所縛而起大悲；觀察眾生沒生死海而起大悲；觀察眾生長嬰疾苦而起大悲；觀察眾生無善法欲而起大悲；觀察眾生失諸佛法而起大悲。是為十。菩薩恒以此心觀察眾生。」（T10, p. 282, a25-b5）

於眾生尊重承事→尊重承事如來→禮敬諸佛。

令眾生生歡喜→令如來歡喜→稱讚如來。

恆順眾生→成就圓滿大悲→廣修供養。

於眾生心平等→懺悔業障、隨喜功德。

成就阿耨多羅三藐三菩提→請轉法輪、常隨佛學、請佛住世。